

Le Comun da San Martin de Tor chir dassënn cumpèdausc por les lites di 8 – 9 de jügn 2024. An mëss avèi complí i 18 agn y ester scric ite tles listes litalas dl Comun de San Martin de Tor. Por informaziuns tolede sò contat cun l'ofize lital dl comun (Colz Veneranda – 0474 524 368 o [info@comun.sanmartindetor.bz.it](mailto:info@comun.sanmartindetor.bz.it)

Aldiënza dla defensuria popolar en vëndres, ai 10 de ma, dales 14.00 - 17.00 tl salf di stödafüch a San Martin - prenotaziuns tel 0471 946 020.

### PLOANIES SAN MARTIN Y LUNGIARÜ

Degöna ora d'adoraziun sò Oies en vëndres, ai 10/05 por gauja dles rogaziuns.

#### SAN MARTIN

NB: La Liturgia dla Parora de Dî vëgn tignida les domënies y i santus dales 9.00 la Gran Mëssa resta inant dales 10.00.

#### LUNGIARÜ

En domënia, ai 12 de ma, vëgnel bel perié do le contribut por scialdé la dljia, che vëgn trat ite cun l'oferta tratan mëssa o do mëssa te calonia.

Te vigni ciasa/familia vëgnel partí fora la proscima edema na plata cun informaziuns sön le contribut dla cöra y le bilanz dla cöra.

NB: La corona tla capela de Sant Ojöp é dagnora de mertesc dales 19.30 y nia plü la domënia!  
-----

La Musiga da San Martin de Tor inviëia düc al concert d'aisciöda sot ala direziun de Katrin Zingerle incö ai 5 de ma dales 20.00 tl gran salf a San Martin.

I Seniors y les Seniores da Lungiarü y San Martin/Antermëia é dër bel inviä ala jita de ma a Maran, le mercui, ai 22 de ma, ciarede plü avisa tl'ultima plata prenotaziuns cina ai 05 de ma, dales 17.00, pro Renate Tatz 342 32 79 406.

Baratada de ciüfs, pelzes y somënzes en dedolönesc, ai 7 de ma, dales 20.00 tl salf di stödafüch a San Martin. Rosa dai Ciöf cuntará "co abelí nüsc sorasc" cun consëis pratics sura le mantignimënt di ciüfs da sorá, sortimënt y tan d'ater. Dedö baratada de ciüfs, pelzes y somënzes.

Invit ala presentaziun dl liber "Bäuerliche Kapellen in Südtirol" cun l'auturia Margot Schwienbacher y la surastanta dles Patronas de Südtirol Antonia Egger, en jöbia, ai 9 de ma, dales 20.00 tla Biblioteca a La Ila.

Invit en sabeda, 11 de ma, dales 19.30, tl salf dles manifestaziuns a Corvara a na cëna cun n teater criminal che sará da odëi tratan cëna sön paladina, olache le publich é invié da stomé che che é l'assassin dla storia. La rejia é de Erika Castlunger. Por info y prenotaziuns pro Sonia 349 15 88 485.

Invit en mercui ai 15 de ma, dales 20.00, a Badia tla Ciasa Runcher al referat tigní dal av. Paul Maieron dal titul : "Arpejun - testamënt - sozesciun ereditara". Le referat é por ladin. Org. K.V.W. Badia - entrada debann.

La Ciasa de Palsa chir voluntars y voluntares da daidé fora ti reparc (partí fora le mangé y bëre, jí a spazier, fá conferta, passé tēmp cun i berbesc y les mëdes), dantadöt domisdé da ma a jügn, dantadöt dales 14.00 ales 18.00. An pó daidé fora ince ma vignitant o te na manira plü regulara. Interessá/des é periá/des da se lascé aldí por tel. 0474 524 767. Bel dilan damperfora.



## Plata dles Ploanies San Martin y Lungiarü

ploan siur Klaus Sottsas 344 15 54 055 - [klsottsas@rolmail.net](mailto:klsottsas@rolmail.net)  
redaziun: [anton.gasser@rolmail.net](mailto:anton.gasser@rolmail.net) - 348 27 44 517 / 0474 523 194

### 05.05. - 12.05.24 n. 23

[unitepastorala.org](http://unitepastorala.org)

ultimo termo por comunicaziuns: jöbia, dales 20.00

## 6ª DOMËNIA DE PASCA - B


### Vangele do san Jan 15,9-17

Sciöche le Pere m'á orü bun, insciö ves ài incé iö orü bun. Romagnede te mi amur! Sc'i osservëis mi comandamënc, romagnëise te mi amur, sciöche iö à osservè i comandamënc de mi Pere y romagni te so amur. Chësc ves ài dit, por che mia ligrëza sides te os y por che osta ligrëza devëntes plëna. Chësc é mi comandamënt: Orësse bun un al ater sciöche iö ves à orü bun. Al n'é nia n maiù amur co sce un dà ca süa vita por sü amisc. Os sëis mi amisc, sc'i fajëis cí ch'i ves dà sö. I ne ves diji nia plü fanç, deache le fant ne sa nia cí che le patrun fej. I ves à dit amisc, cíodich'i ves à comuniché döt, cí ch'i à aldì dal Pere. Nia os ne m'ëis chirì fora, mo iö ves à chirì fora y ves à destiné ch'i jëise y portëise früt y che osc früt romagnes. Spo ves darà le Pere döt do cí ch'i le periëis te mi inom. Chësc ves comani: Orësse bun un al ater!



*Gejú di dij amisc a sü discepui, y sciöche amisc ó Gejú i condüje ite te so mister. Al ti spliga che l'amur de Dî vir te èl. Idí ti ó bun a Gejú y Gejú ti ó bun a Idí. Chësc amur é sciöche n magnet che tira döt pomez ci che Dî á cherie cun amur. Gejú ti spliga a sü amisc ci travert che la vita de èl á y ci significat che la vita de èi á. Döt, dötä la creaziun, dess gní trata ite tl amur de Dî y de Gejú. Chësc é le mister che Gejú ó partí cun sü discepui. Deach'ai é sü amisc él Gejú che ti al spliga y ó ch'ai le capëscas. L'amur tol ite döt, la vita de dötä la creaziun. Por gauja dl amur y por dötä la creaziun sunse sü amisc. Por gauja dl amur y por dötä la creaziun sunse amisc de Gejú.*

Te Deum

EDEMA - B	SAN MARTIN	LUNGIARÜ	
<b>05.05.24</b> <b>6ª DOMÈNIA DE PASCA-B</b>	<b>8.15 Gran Mëssa por la Comunità</b> en onú de San Florian <b>dedò Prozesciun a Picolin</b> + Giovanni Pescoller + Sepl Trebo, Pension Tor + + Pire y Celestina Unterweger + Matí Tolpeit <b>14.00 Bato de</b> <b>Ginevra Cot</b> de Chiara y Marius <b>Max Mühlmann</b> de Raffaella y Norbert <i>degöna Corona de ma sö Ju</i>	<b>7.50 Corona</b> <b>8.15 Liturgia dla Parora de Dî</b>	 <p><b><i>Tl mëis de ma periunse dl l'intenziun dl Papa</i></b></p> <p>I periun che i conventuai y i seminarisè pois crësce sön so tru de vocaziun cun l'aiüt de na buna formaziun umana, pastorala, spirituala y comunitara, che i condüj a ester testimoni credibli dl vangele.</p> <p>-----</p> <p><b><i>8 por mile ala Dlijia Catolica sotescri por na buna cossa</i></b></p> <p>Cun osta sotescriziun sön la detlaraziun dl davagn o sön le model CU podëise destiné l'8 por mile ala Dlijia Catolica, che pó insciö finazié cotan: sostignimënt di proi, sorvisc pastorai tles diozejes contribuc por costruziuns y ressanmënc tles ploanies, Caritas, proiec tles Misciuns, intervënc de forzaiun y aiüt tl monn y d'ater.</p> <p>Implü vára cun na secunda sotescriziun da destiné lapró ciamó na cuota dl 5 por mile dl IRPEF por fins soziai, danter chisc ince por organisaziuns desvalies soziales y religioses de nosta Diozeja.</p> <p>Chi che ne presentëia nia la detlaraziun dl davagn pó destiné l'8 por mile y le 5 por mile cun la sotescriziun sön la scheda injuntada al modul CU.</p> <p>I pensioná che n'á nia ciafé le CU pó le fá sön na scheda prestampada ch'ai ciafa cun na coperta apé de dlijia y ch'ai pó dé sö tl Ofize dla Posta o al CAF. Chi che á debojëgn de aiüt pó contaté Leo 348 40 96 351</p>
<b>Lönesc 06.05.24</b> <i>Antonia, Gundula</i>	<b>19.30 Corona de ma a Picolin</b>	<b>7.50 Mëssa di scolars</b> ( <i>siur Klaus</i> )	
<b>07.05.24</b> <i>Gisela, Virginia</i> <b>Dedolönesc</b>	<b>8.00 Mëssa</b> + Ida Dariz por benefaturs y jënt dla Ciasa de Plasa	<b>19.30 Corona tla capela da Seres</b>	
<b>08.05.24</b> <i>Ulrica, Fridl</i> <b>Dedemesaledema</b>	<b>20.00 Corona de ma sö Frëina</b>	<b>7.50 Mëssa</b> + Davide Dapoz, Costa de rengraziamënt de na porsona	
<b>09.05.24</b> <i>Luisa de Marillac, Beat Jöbia</i>	<b>18.20 Cun Crusc a Bioch</b> <b>19.30 Mëssa a Bioch</b> + Mariangel Tavella	<b>18.45 Cun Crusc a Bioch</b> <b>19.30 Mëssa a Bioch</b> + en onú de Santa Maria	
<b>10.05.24</b> <b>Vëndres</b> <i>Gordian, Antonin</i>	<b>9.00 Mëssa cun chi da Lungiarü</b> <b>19.00 Cun Crusc a Picolin</b> <b>19.25 Liturgia dla Parora</b>	<b>7.30 Cun Crusc a San Martin</b> <b>9.00 Mëssa a San Martin</b> ( <i>pater Franz</i> ) <b>16.30 Funziun de ma por mituns y families</b> <b>19.30 Corona de ma fora dala Grota</b>	
<b>11.05.24</b> <b>Sabeda</b> <i>Iachin, Fabio</i>	<b>7.30 Cun Crusc da Longega a La Pli</b> <b>9.00 Mëssa a La Pli</b> <b>18.30 Mëssa prefestia</b> 3ª de sopoltöra de Clara Vanzi Zingerle + + Carlo y Hannele Zingerle + Loise Ploner Unterweger	<b>7.30 Cun Crusc da Longega a La Pli cun chi da S. Martin</b> <b>9.00 Mëssa a La Pli</b>	
<b>12.05.24</b> <b>FESTA DL'ASSÈNZA</b> <b>ASCENSIUN DL SIGNUR</b>  <b>DE DLA UMA</b>	<b>8.30 Corona + Clara Vanzi Zingerle</b> <b>9.00 Liturgia dla Parora de Dî</b> <b>19.30 Corona de ma sö Ju</b>	<b>7.50 Corona</b> <b>8.15 Gran Mëssa por la Comunità</b> dl ann + Emilia Frenes /+ Albert Daverda + + Franz y Zilia Pezzei Ghestan dl ann + Iaco Mischi y Regina Daporta + + Giovanni y Sabina, Tondlisel	